

დინამოელთა ფრე

„დინამო“ (თბილისი) – „ჩერნომორეცი“ (ოდესა). 1:1 (0:1).

თბილისი. ვ.ი. ლენინის სახელობის „დინამოს“ სტადიონი. 39.000 მაყურებელი.

„დინამო“: გაბელია, ხიზანიშვილი, ჩივაძე, ხინჩაგაშვილი, თავაძე (მუჭირი), დარასელია, სვანაძე, სულაქველიძე, გუცაევი (ცავა), ჟვანია, შენგელია.

„ჩერნომორეცი“: ჟეკოუ, სიჩი, ლემჟუკი, ბულანკინი, პლოსკინა, სკრიპნიკი, ბელანოვი, უსტიმჩიკი, გორიაჩევი (მარი), შალომაი, იშჩაკი (ყარკოვი).

მსაჯი: ი. საფჩენკო (მოსკოვი).

გოლები: შალომაი, პლოსკინა (საკუთარ კარში).

ახლა, როცა საკაუშირო ჩემპიონატის მონაწილენი ფინიშის სწორზე გავიდნენ, ლიდერთა ყოველგვარ ნაფორხილებას შეუძლია საბედისწერო როლი შეასრულოს მედლების (უმთავრესად ვერცხლისა და ბრინჯაოს) განაწილებაში. ამიტომაც ისინი ყოველ თამაშს მთელი სერიოზულობით ეკიდებიან და ცდილობენ უდანაკარგოდ წარმართონ მატჩები. მაგრამ არის გუნდების მთელი ჯგუფი – თითქმის ლიგის ნახევარი, რომელსაც ასპარეზობის ამ მონაკვეთზე სულ სხვა საზრუნავი გაუჩნდა, – სურს როგორმე უძლიერესთა რიგებში მოიკიდოს ფეხი. აუტსაიდერებს უკან დასახევი გზა აღარ აქვთ და თავდაუზოგავად იბრძვიან მიზნის მისაღწევად.

მათ შორისაა თბილისის „დინამოს“ გუშინდელი მეტოქე ოდესის „ჩერნომორეცი“, რომელსაც ამ დღეებში ძალზე მძიმე ტურნე მოელოს, ჯერ ერევანში შეხვედება ადგილობრივ „არარატს“, რომელიც მის ბედს იზიარებს – ჯერჯერობით თავი ვერ დაუღწევია სახიფათო ზონისათვის, შემდეგ კი მოსკოვში იქაურ „სპარტაკსა“ და „დინამოს“ ეთამაშება.

ამიტომ მოსალოდნელი იყო, რომ გუშინდელი შეხვედრა დაძაბულად და საინტერესოდ წარმართებოდა, მაგრამ მატჩის პირველი წუთებიდანვე ნათელი გახდა, რომ მინდორზე სხვადასხვა კლასის კოლექტივები გამოვიდნენ.

და მართლაც, მიუხედავად იმისა, რომ მოედანზე სხვადასხვა კლასის გუნდები იყვნენ, პირველი წუთიდანვე ნათელი გახდა, რომ მხარეები იოლად არ დათმობდნენ თამაშს. ამასთან თუ აქტიურობას მივიღებთ მხედველობაში, ამ მხრივ სტუმრები გამოირჩეოდნენ, რომლებიც ჭარბი ძალებით ებმებოდნენ მინდორის სხვადასხვა უბნებზე ბრძოლაში.

ის–ის იყო თამაში დაიწყო, რომ ოდესელთა თავდამსხმელი გორიაჩევი გაუსხლტა მეთვალყურეებს და მასპინძელთა მეკარის პირისპირ აღმოჩნდა. ამას მისივე თავური დარტყმა მოჰყვა შორეულ მაღალ კუთხეში, რომელსაც დროზე მისწვდა გაბელია. სულ მალე დინამოელები ხანგრძლივ იერიშზე გადავიდნენ. აქ ცხადი გახდა, რომ ოდესელები პრესინგის საშუალებით ცდილობდნენ საკუთარი კარის უვნებელყოფას, რასაც აღწევნ კიდევ – შენგელიას, გუცაევის, განსაკუთრებით კი ჟვანიას გარღვევებს შედეგი არ

მოპყოლია.

25-ე წუთზე მასპინძელთა მცველებმა თავიანთ საჯარიმოზე ბურთის დამუშავების საშუალება მისცეს შალომაის და სტუმრებმა გახსნეს ანგარიში.

მეორე ტაიმის დასაწყისშივე თბილისელებმა გაშლილად შეუტიეს „ჩერნომორეცის“ კარს და მარჯვენა ფრთიდან შენგელიას ჩანოღებული ბურთი ოღესელთა მცველმა პლოსკინამ საკუთარ ბადეში ჩაჭრა – 1:1. ეს ანგარიში თამაშის დამთავრებამდე ძალაში დარჩა.

უ. მიქელაძე.

„ლელო“, 27 სექტემბერი 1981 წ.